

2. Ճալարյան

ՍՈՎԵՏԱԿԱՆ ԻՇԽԱՆՈՒԹՅԱՆ ԴԵԿՐԵՏՆԵՐԻ ՊՐՈՊԱԳԱՆԴԱՆ
ԲՈՂՇԵՎԻԿՅԱՆ ՀԱՅ ՍՍՍՈՒԼՈՒՄ (1917—1920)

Մենք Հոկտեմբերի ազատության դալուստիստների տարածումը, Կոմունիստական պարտիայի, Սովետական կառավարության առաջին ռևոլյուցիոն ձեռնարկումների, ղեկրեւների հեղափոխիչ նշանակության պարզաբանումն ու պրոպագանդան այն կարեւորագույն խնդիրներից մեկն էր, որ դրված էր բոլշևիկյան հայ պարբերական մամուլի առջև Հոկտեմբերյան սոցիալիստական Մենք ռևոլյուցիայի հաղթանակից հետո: «Ամբողջ խղիւսարհով մեկ հնչեցին Հոկտեմբերի առաջին ղեկրեւները՝ հաշտության ղեկրեւը, որը իմպերիալիստական պատերազմի դեմ պայքարի, աշխատավորների եղբայրության կրքոտ կոչ էր, հողի ղեկրեւը, Սովետների համառուսաստանյան համագումարի որոշումը բանվորական և գյուղացիական կառավարություն կազմելու մասին», ասված է ՄԽԿՊ Կենտկոմի պրոպագանդայի ու ագիտացիայի բաժնի և ՄԽԿՊ Կենտկոմին առնչվող մարքսիզմ-լենինիզմի ինստիտուտի թեզիսներում:

Բոլշևիկյան հայ թերթերն ընդգծում էին, որ ղեկրեւները պրոլետարիատի դիկտատուրայի իրականացման կոնկրետ արտահայտությունն էին, նրա ամրապնդման ու զարգացման միջոցը: Կարևոր է նշել, որ բոլշևիկյան հայ մամուլը Սովետները արժեքավորում էր որպես նոր տիպի իշխանության օրգաններ: Ընդգծելով, որ Հոկտեմբերյան ռևոլյուցիայի հաղթանակի շնորհիվ իշխանությունն անցավ շահագործված դասակարգերի՝ բանվորների և գյուղացիների ձեռքը, «Բանվորի կոիլը» ելրակացնում էր. «Ամբողջ երկիրը կառավարում են և պիտի կառավարեն բանվորների և գյուղացիների խորհուրդները... Ռուսաստանում ստեղծված պետական այս կարգը նոր կարգ է»¹: Այդ նոր կարգը ծնվել է ռևոլյուցիոն գոտեմարտերի բովում, բոլշևիկյան պարտիայի ղեկավարության ներքո, պրոլետարիատի ստեղծագործական հանճարի ուժով: «Բանվորական խորհուրդը, — ընդհանրացնում էր Բաքվի «Կոմունիստ»-ը, — ռուսական պրոլետարական հեղափոխության ստեղծագործության ուղն ու ծուծն է, բանվորական ամենաուժեղ ու իսկական հեղափոխական ղեկավար մարմինը... Բանվորական խորհուրդը պրոլետարական շարժման ստեղծագործող մտքի անմիջական ծնունդն է, բանվորական դիկտատուրայի իրականացման ձևը»:

Խոսելով Հոկտեմբերյան ռևոլյուցիայի շնորհիվ ձեռք բերված պատմական հաղթանակի նշանակության մասին, «Կարմիր օրեր»-ը 1918 թ. հենց առաջին համարում ընդգծում էր, որ տապալելով քուրժուազիայի տիրապետությունը, ռուսական պրոլետարիատը հաստատեց իր դիկտատուրան, հիմնիվել շուր տալով մինչև այդ գոյություն ունեցող բոլոր «կնճռոտ» կոչված հարցերը:

¹ «Բանվորի կոիլը», — ՌՄԴ(Բ)Պ Կովկասյան երկրային և Թիֆլիսի կոմիտեների օրգան, № 62, 1917:

² «Կոմունիստ», Մեղրեջանի Կոմպարտիայի Կենտկոմի և Բաքվի կոմիտեի օրգան, № 6, 1920:

Ցարական կառավարության և բուրժուական ժամանակավոր կառավարության զաղտնի պայմանագրերի հրապարակումով¹, առանց անեքսիայի և կոնսուլիտացիայի հաշտության բանակցություններ սկսելու առաջարկով Սովետական կառավարությունը խառնեց բուրժուական զիվանագիտության բոլոր խաղաղաթիվները՝ սկիզբ դնելով նոր, ժողովրդի շահերից ելնող արտաքին քաղաքականությանը:

«Հոկտեմբերյան հեղափոխությունը, — գրում էր «Կարմիր օրեր»-ը, — տեղեկաց առաջին և մահացու հարվածը իմպերիալիստական համաշխարհային պատերազմին»²: Արժեքավորելով խաղաղության դեկրետը, «Նրկու հրովարտակ» վերնադրով առաջնորդողում «Բանվորի կոիվը» նշում էր, որ Սովետական կառավարությունը «...գիտակցելով ժողովրդի ցանկությունը, ամենից առաջ և գլխավոր ուղղության առարկա դարձրեց հաշտության դեկրետը... Այդ դեկրետը մի ապտակ է ուս-եվրոպական իմպերիալիստական բուրժուազիային և պատմական գոկումենտ ուս պրոլետարիատի ինտերնացիոնալիստական գիտակցության»³:

Խաղաղության դեկրետով Սովետական կառավարությունը արտահայտում էր ոչ միայն Ռուսաստանի աշխատավորության ցանկությունը, այլև նպատակ ուներ ընդհանրապես վերջ տալու համաշխարհային իմպերիալիստական պատերազմին: Մյուս կողմից խաղաղության դեկրետը, համաշխարհային սպանդը դադարեցնելու կոչը ռևոլյուցիոնացնող մեծ ազդեցություն գործեց, ցույց տալով, որ իմպերիալիստական պատերազմին վերջ տալու միակ արմատական միջոցը դա յուրաքանչյուր երկրում բուրժուազիայի տիրապետությունը տապալելու և իշխանությունը ժողովրդին հանձնելու ճանապարհն է: Այսպիսով, խաղաղության դեկրետը ստանում էր պրակտիկ-ռևոլյուցիոն նշանակություն: «Ռուսական հեղափոխական կառավարությունը, — գրում էր «Բանվորի կոիվը», — տառապող մարդկությանը խաղաղություն է տալիս — դա փաստ է և այդ գիտակցությունը ոգևորում է բոլոր հեղափոխականներին ու տասնապատկում նրանց եռանդը»⁴:

Բոլշևիկյան հայ պարբերական մամուլը պրոպագանդում և պաշտպանում էր նաև Սովետական կառավարության հողային դեկրետը: Հողը հայտարարելով համաժողովրդական սեփականություն, Սովետական կառավարությունը, Բոլշևիկյան պարտիան ոչ միայն իրականացնում էին աշխատավոր գյուղա-

¹ Հետաքրքրական է, որ Բոլշևիկյան մամուլը, անդրադառնալով Սովետական կառավարության կողմից հրապարակված ցարական զաղտնի զիվանագիտության փաստաթղթերին, բացահայտել է «հայկական հարցի» վերաբերյալ անգլո-ֆրանսիական և ռուսական բուրժուազիայի փաթիսեցիական խոստումների բռն նպատակները, ծաղրել ու քննադատել զաղտնիցական վայ-դիպլոմատներին: «Բանվորի կոիվ» 1917 թ. 49-րդ համարում տպագրված «Դաշնակից» և հայ դիպլոմատները» վերնագրով հոդվածում Ա. Մոսկովյանը (Ա. Մանսուրյան) գրում էր. «Բանվորական և գյուղացիական կառավարությունը շնչառական հարվածով պատռեց այն վարագոյրը, որի ներսում այս պատերազմի ընթացքում ռուսական, անգլիական և ֆրանսիական բուրժուազիան առյուծի իրենց խաղն են խաղացել «հայկական հարցի» հետ... Լենինի կառավարությունը իր սպանիչ լույսը զցեց դիպլոմատիական այն ախոռի վրա, որտեղ Վերոնյուկ-Դաշկովները, Սադոնովները, Միլյուկովները, Տերեշչենկոներն ու Բերոները կերակրել են հայ ժողովրդի հաստազուլու և բթամիտ դիպլոմատներին»:

² «Կարմիր օրեր», № 14, 1918:

³ «Բանվորի կոիվը», № 40, 1917:

⁴ «Բանվորի կոիվը», № 51, 1917:

ցիություն ղարավոր երազանքը՝ հող ձեռք բերելու վերաբերյալ, այլև նոր հիմքի վրա ամրասկզում էին սյրուեցարիատի ու չքավոր գյուղացիների ռևոլյուցիոն դաշինքը: Այդ դեկրետը ցույց տվեց բուրժուական ու մանրբուրժուական սլարտիաների ամբողջ սնանկությունը, մերկացրեց գյուղացիությանը խաբելու, նրա ռևոլյուցիոն ձեռներեցությունը կաշկանդելու բոլոր փորձերը: «Բոլշևիկների կառավարությունը ասպացուցեց, — գրում էր «Բանվորի կռիվը», — որ նրա դուշակի վրա գրված հողի սլահանքը միամիտ ու հողակարոտ գյուղացիներին խաբելու համար չի գրված, այլ իբրև գործնական ծրագիր, որն արդեն առանց տատանումների իրագործվում է: Լենինի կառավարությունը շունևոր գյուղացիներին շխաբեց հողի հարցում, ընդհակառակը, անխզելի կերպով կապեց, միացրեց նրանց հեղափոխական սյրուեցարիատի հետ»¹:

Սովետական Ռուսաստանում կատարվող ագրարային հեղաշրջումը, բոլշևիկյան սլարտիայի, Սովետական կառավարության ագրարային քաղաքականությունը հանգամանորեն լուսաբանվում էին «Լոուվա գյուղացիության ձայնը» թերթում: «Հողային դեկրետը» վերնադրով հատուկ հոգվածում թերթը կոչ էր անում. «Հողագործի ու տանջված լոռեցիներ, լավ լսեցեք, թե ինչ է ասում հողային էդ նշանավոր դեկրետը, աղքատ ու աշխատավոր գյուղացիության էդ մեծ Օրենքը... Դե՛հ, սիրելի լոռեցիներ, սլաշտսլանեցեք էդ Մեծ Օրենքը... Ժողովրդի թշնամիների դեմ և իրականացրեք ձեր իրավունքները:

«Կորչե՛ն մեր միջից սլամեշիկները, ազնվականները, հողատերերը»²:

Հոկտեմբերյան սոցիալիստական Մեծ ռևոլյուցիայի միամսյակին նվիրված «Հացի, հողի և խաղաղության կառավարությունը» վերնագրով առաջնորդողում «Բանվորի կռիվը» կոնկրետ օրինակներով ասպացուցում էր, որ Սովետական կառավարությունը լիովին արդարացրեց ժողովրդական լայն մասսաների սսլասելիքները: «Մեր կյանքի ամենահիվանդոտ հարցերի՝ հացի, հողի և խաղաղության վերաբերմամբ, — գրում էր թերթը, — նա, այդ նոր տեսակի կառավարությունը տվավ իր զուտ գործնական, իրագործելի և միաժամանակ արմատական հեղափոխական սրոշումները, որ ասլեցուցիչ ևռանդով արդեն գործադրվում են»³:

Բոլշևիկյան մամուլը մասնավորապես շեշտում էր Սովետական կառավարության սրոշումների գործնական, արմատական-ռևոլյուցիոն բնույթը: Դրանով բոլշևիկյան թերթերն ընդգծում էին, որ Սովետական կառավարությունը նոր տիպի կառավարություն է, ժողովրդի շահերի իսկական արտահայտիչն ու սլաշտսլանը, միաժամանակ ցույց էին տալիս այն սկզբունքային-գասսակարգային տարբերությունը, որ գոյություն ուներ նրա և բուրժուական նախկին կառավարության միջև: «Հոկտեմբերյան հեղափոխությունը մի կողմ շսլրտեց խոսքի ու ֆրազի մարդկանց, — գրում էր «Բանվորի կռիվը», — ...Հոկտեմբերյան հեղափոխությունը Ռուսաստանի կենտրոնական-իշխանության զլուխ կանդնեցրեց մարդկանց, որոնք խոսքից գործի անցնելով՝ գյուղացուն հող տվին, իսկ բանվորին՝ արդյունաբերական կյանքը տնօրինելու հսկայական իրավունք հատկացրին»⁴:

¹ «Բանվորի կռիվը», № 51, 1917:

² «Լոուվա գյուղացիության ձայնը» — Լոուի-Հաղպատ, № 4, 1920:

³ «Բանվորի կռիվը», № 51, 1917:

⁴ «Բանվորի կռիվը», № 3, 1917:

* * *

1917—1920 թթ. բոլշևիկյան հայ պարբերական մամուլում առանձնահատուկ տեղ են գրավում Կոմունիստական պարտիայի և Սովետական կառավարության ազգային քաղաքականության լուսարանումն ու պրոպագանդան:

Սովետական իշխանության ազգային քաղաքականության հիմնական սկզբունքները հռչակվեցին Ռուսաստանի ժողովուրդների իրավունքների Դեկլարացիայում, որը հաստատվեց ժողովրդական Կոմիսարների Սովետի կողմից 1917 թ. նոյեմբերի 2(15)-ին: Հաջորդ օրը դեկլարացիան հրապարակվեց «Պրավդա»-ում:

Ռուսաստանի ժողովուրդների իրավունքների Դեկլարացիայի կարևորագույն նշանակություններից մեկն էլ այն էր, որ նա, հռչակելով լենինյան ազգային քաղաքականության սկզբունքները, Ռուսաստանի ծայրամասերի՝ դեռևս կապիտալի լծի տակ հեծող ժողովուրդներին ցույց էր տալիս նրանց ազատագրության միակ ճշմարիտ ուղին. «Ազգերի ազատագրության գործը սխալ և միմիայն սոցիալիստական հեղափոխության գործն է»¹:

Սովետական կառավարությունը անհապաղ անցավ ազգերի ինքնորոշման լուրջ դի պրակտիկ կենսագործմանը: 1917 թ. դեկտեմբերի 18-ին ՌՍՖՍՌ ժողկոմսովետը հրապարակեց դեկրետ Ֆինլանդական ռեսպուբլիկայի անկախության վերաբերյալ. դեկտեմբերի 22-ին ՀԿԳԿ-ն ընդունեց «Ռևոլյուցիոն կառավարության դեկլարացիան՝ Ֆինլանդիայի անկախության մասին»:

1918 թ. հունվարի 11-ին Սովետական կառավարությունն ընդունեց դեկրետ «Թուրքահայաստանի» մասին:

Ծիշտ է, քաղաքական և պատմական իրադրությունները հետագայում այնպես դասավորվեցին, որ Անդրկովկասի հակասովետական բոլոր և օտարերկրյա իմպերիալիստների կամակատար դաշնակների կոնտրոլյուցիոն քաղաքականությունը Արևմտյան Հայաստանի հայերին զրկեց ինքնորոշման իրավունքից օգտվելու հնարավորությունից, բայց «Թուրքահայաստանի» մասին դեկրետը հսկայական նշանակություն ունեցավ հայ աշխատավորության մեջ Սովետական կառավարության ազգային քաղաքականությունը պրոպագանդելու, նրան սոցիալիստական Ռուսաստանի շուրջը համախմբելու գործում: Այդ նպատակով «Թուրքահայաստանի» մասին դեկրետը լայնորեն օգտագործեցին մասնավորապես բոլշևիկյան հայ թերթերը:

Տեղագրելով այդ դեկրետը², բոլշևիկյան հայ թերթերը միաժամանակ հաստատեցին հոգիվածներ էին նվիրում նրա պարզարանմանը: Այս առումով ղգալի աշխատանք կատարեց հատկապես «Բանվորի կոիլը»՝ Արժեքավոր են «Միջուկների հայությունը և Անդրիայի իմպերիալիզմը» (1918 թ., № 10), «Ժողովրդական Կոմիսարների հորհուրդը և հայկական հարցը» (1918 թ., № 11), «Հայկական հարցը և հորհուրդները» (№ 16, 1918 թ.), «Գորդյան հանգույցը» (1918 թ., № 28) և այլ հոգիվածները:

¹ «Կոմունիստ» — ՌՍՖՍՌ Ազգությունների ժողովմասի Հայկական Գործերի Կոմիտեի օրդան, Մոսկվա, № 1, 1918:

² «Թուրքահայաստանի» մասին դեկրետն առաջին անգամ լույս տեսավ «Պրավդա»-ի 1917 թ. 221-րդ համարում, այնուհետև «Իզվեստիա»-ի № 1-ում, 1918 թ. «Բանվորի Կոիլը» թերթում, «Բանվորի խոսք»-ի № 1-ում, 1918:

Առաջին հոգվածում, Սովետական կառավարության հրապարակած գաղտնի սլաշմանագրերի հիման վրա մերկացնելով անդիլիական իմպերիալիստների և ցարիզմի միջև «Թուրքահայաստանի» ու Միջագետքի ժողովուրդների հաշվին կնքված դործարքի դադուծարարական էությունը, թերթը գրում էր. «Իմպերիալիզմն իր հաշիվներն ունի, որոնք ոչ մի առնչություն չունեն մարդասիրության հետ: Անգլիական իմպերիալիզմը կադատագրե հայերին ճիշտ այնպես, ինչպես նա «ազատագրել» է իռլանդացիներին, հնդկներին... Ինչպես բոլոր ճրնշված ժողովուրդներին, այնպես էլ թուրքահայերի թշնամին միջագային իմպերիալիզմն է, որ դենք է ծառայեցնում բռնությունն ու շահագործումը»:

Իսկ ո՞րն էր հայ ժողովրդի փրկությունը, ո՞րն էր Արևմտյան Հայաստանի հայ աշխատավորության ազատագրության ճշմարիտ ճանապարհը. «Թուրքահայությունը,— շարունակում էր թերթը,— պետք է փարվի Ռուսաստանի Հոկտեմբերյան Մեծ հեղափոխությանը, նրա հաղթանակի մեջ պետք է տեսնե իր հաղթանակը և ամբողջ աշխարհի առաջ պետք է իր ազդու և հեղափոխական ձայնը բարձրացնե նրանց գեմ, ում դռն է եղել ինքը»:

«Բորդյան հանդույցը» վերնագրով հոգվածում «Բանվորի կռիվը» բուն կրթությունը սլաշտպանում էր «Թուրքահայաստանի» մասին դեկրետը մենշեիկ Ս. Տ. Արևմտեղի (Ղարաջյան) ցինիկ ու սրովոկատորական հարձակումներին:

1918 թ. 19-րդ համարում «Բանվորի կռիվը» «Իզվեստիա»-ից արտատպեց ՌՍՖՍՌ Ազգությունների գործերի ժողկոմ Ի. Վ. Ստալինի «Թուրքահայաստանի» մասին» հոգվածը, որտեղ բացատրված են այդ դեկրետի ընդունման շարժառիթները, նրա նշանակությունը և «Թուրքահայաստանի» օրինակով ցույց է տրված Սովետական կառավարության ազգային քաղաքականության հիմնական սկզբունքը: «Այժմ պարզ է ամենքի համար,— ասված էր հոգվածում,— որ Ռուսաստանի ժողովուրդների բախտը, իսկ առանձնապես հայ ժողովրդի բախտը, սերտորեն կապված է Հոկտեմբերյան ռևոլյուցիայի բախտի հետ... Թող ամենքն իմանան, որ ազգային ճնշման իմպերիալիստական քաղաքականությանը ժողովրդական կոմիսարների Սովետը հակադրում է ճնշված ժողովուրդների լիակատար ազատագրության քաղաքականությունը»:

«Թուրքահայաստանի» մասին դեկրետի սրտազանգումով ու սլաշտպանությամբ բոլշեիկյան հայ սարբերական մամուլը կոնկրետ փաստերի հիման վրա ընդհանրացնում էր, թե «Ազգերի ինքնորոշման սկզբունքը սոսկ մեռած տառ կամ գեղեցիկ շարժում չի ուզում թողնել հորհուրդների իշխանությունը»:

Տեղական բուրժուազիան ամեն ինչ անում էր, որպեսզի իր տիրապետության սահմաններում ապրող սրուլետարիատի ու աշխատավոր գյուղացիության դասակարգային սլաշքարը մտցներ նացիոնալիստական հունի մեջ, կրտրեր նրանց հարեան երկրների, մասնավորապես Ռուսաստանի սրուլետարիատի ռևոլյուցիոն սլաշքարից: Հայտնի է, որ Անդրկովկասյան Սեյմի ղեկավարները 1918 թ. ապրիլի 23-ին Անդրկովկասը անկախ հայտարարելով Ռուսաստանից, իրենց այդ հակաժողովրդական, կոնտրռևոլյուցիոն քայլը փորձում էին նենդա-

¹ Տես մենշեիկյան «Պայրադ»-ի 1918 թ. 21-րդ համարում ղեկեղված «Տաճկահայաստանի» մասին դեկրետի առթիվ՝ վերնագրով նրա հոգվածը, որտեղ այդ մոլի հակաբոլշեիկը ռեզոլակի հայտարարում էր. «Հայկական հողի լուծումը... կապված է Թուրքիայի և առավելապես Գերմանիայի բարի կամրի հետ»:

² «Բանվորի կռիվը», № 10, 1918:

փոխել այնպես, որ իբր թե իրենք օգտվում են ոչ ավել, ոչ պակաս՝ աղգերի ինքնորոշման իրավունքի:

Հարկավոր էր ամենայն անողորմությամբ սլաքարել աղգերի ինքնորոշման լուղունդի բուրժուական խեղաթյուրման դեմ, կոփել պրոլետարիատի ինտերնացիոնալիստական միասնությունը: Պատահական չէր, որ աղգերի ինքնորոշման մասին խոսելիս՝ Վ. Ի. Լենինը շեշտում էր տեղական նացիոնալիզմի դեմ սլաքարը սրելու անհրաժեշտությունը:

Պարզաբանելով ու սլաշտսլանելով աղգերի ինքնորոշման իրավունքի լենինյան ըմբռնումը և ընդգծելով նրա սլրակտիկ նշանակությունը կապիտալի լծից աշխատավորության ազատագրման համար մղվող սլաքարում, «Կարմիր դրոշակ»-ը գրում էր. «Մեր ձեռքում աղգային ինքնորոշման լուղունդը կոմունիստական հեղափոխության զարգացման ու լայնացման սլաքմաններից մեկն է... Մեզ վրա կոմունիստական հեղափոխությունը սրբազան սլարտք է դնում, որ մենք, լցնելով աղգային ինքնորոշման լուղունդը կոմունիստական բովանդակությամբ՝ ամեն ջանք գործ դնենք աղգային-ազատագրական շարժումը վերածելու հեղափոխական դասակարգային կռվի»¹:

Պրոսլագանդելով Ռուսաստանի ժողովուրդների իրավունքների Դեկլարացիան, բոլշևիկյան հայ թերթերը նշում էին, որ սլետք է հիմք ընդունել հետևյալ երկու հանդամանքները. մի կողմից՝ այդ Դեկլարացիայի սկզբունքները Անդրկովկասում, մասնավորապես Հայաստանում ևս իրականացնելու համար անհրաժեշտ է այդտեղ նույնպես հաստատել սլրոլետարիատի զիկտատուրամյուս կողմից՝ այդ զիկտատուրան հաստատելու համար, իր հերթին, անհրաժեշտ է օգտագործել Ռուսաստանի ժողովուրդների իրավունքների Դեկլարացիայի մորիլիզացնող ուժը: Գնահատելով Սովետական կառավարության, Կոմունիստական սլարտիայի աղգային քաղաքականության նշանակությունը կապիտալի լծից աշխատավորության ազատագրման համար մղվող սլաքարում, «Կարմիր դրոշակ»-ը եղբակացնում էր... «Աղգային ինքնորոշման լուղունդը, այդ լուղունդի իսկական տնկեղձ իրադործումը սլրոլետարիատի կողմից հասնում է երկու նսլոտակի՝ նախ նա քանդում է մասսաներին կաշկանդող շովինիզմի կապանքները, աուս հեշտացնում է հեղափոխական դասակարգային սլաքարը աղգային բուրժուալիայի դեմ և ապահովում սլրոլետարական հեղափոխության հաղթանակը այդ աղգերի երկրներում»²:

*

Սովետական կառավարության աղգային քաղաքականության ճշմարտացի լուսաբանման կարևորությունն ավելի սլարդ կղառնա, եթե նկատի ունենանք կապիտալի իդեոլոգների, բուրժուական թերթուկների կողմից տարածվող այն եկեղծիքը, որ իբր թե Սովետական իշխանությունը շարունակում էր ցարիզմի նախկին զսղուլթարարական քաղաքականությունը, ձգտում էր բռնի կերսլով Ռուսաստանի սահմաններում սլահել նրա կազմի մեջ մտնող փոքր ազգություններին, իրագործել իր «աշխարհակալական» ձգտումները: Զրսլարտիչ-սլրովոկատորների այդ ոհմակի մեջ իրենց արժանավոր տեղն ունենն դաշնակցական «Հառաջ»-ը, մենշևիկյան «Պայքար»-ը, էսեռական «Սոցիալիստ-հեղա-

¹ «Կարմիր դրոշակ», № 11, 1919:

² Նույն տեղում:

փոխական»-ը, «Ժողովուրդ» թերթուկը և բուրժուական մամուլի մյուս օրդան-ները: Պատասխանելով նրանց հարձակումներին, Բաքվի «Կոմունիստ»-ը գրում էր. «Մապիտալի սպասավորներ-սրիկա դաշնականները, որոնք երկիրը արյան ծով են դարձրել և շատերին այդ ծովի մեջ խեղդել, խոսում են այն խորհրդա-յին Ռուսաստանի մասին, որը կռվելով բոլոր երկրների բուրժուազիայի հետ, խորտակելով Դենիկինի, Կոլչակի և Յուդենիչի նման արյունարբու գազաններին և պայքարելով աշխատավորների բոլոր թշնամիների դեմ, աղատել է ցարական ստրկությունից բոլոր մանր ազգություններին...»¹:

Այստեղ անհրաժեշտ է ընդգծել, որ քաղաքացիական կռիվներում և «տարերկրյա ինտերվենտների դեմ բոլշևիկյան պարտիայի ղեկավարությամբ Ռուսաստանի պրոլետարիատի ու չքավոր գյուղացիության մղած հերոսական պայքարի ամբողջ ընթացքում բոլշևիկյան հայ թերթերը ևս բարձր ծածանեցին սոցիալիստական հայրենիքի պաշտպանության սրբազան դրոշմը: Այդ ուղղու-թյամբ զգալի աշխատանք կատարեցին հատկապես «Բանվորի կռիվը» (Թիֆ-լիս), «Բանվոր»-ը (Թիֆլիս), «Կոմունիստ»-ը (Մոսկվա), «Խոսք»-ը (Երևան), «Կարմիր դրոշակ»-ը (Թիֆլիս), «Կարմիր օրեր»-ը (Թիֆլիս), «Կարմիր դրո-շակ»-ը (Մոսկվա), «Կոմունիստ»-ը (Բաքու), «Պահակ»-ը (Թիֆլիս), «Կարմիր աստղ»-ը (Կրասնոդար), «Բանվորի կռիվ»-ը (Ռոստով - Նախիջևան):

Նկարագրելով Ռուսաստանում ստեղծված իրադրությունը, մերկացնելով միջազգային բուրժուազիայի և ներքին կոնտրոկուցիայի դավադրություննե-րը Սովետների երկրի դեմ՝ բոլշևիկյան հայ թերթերը ամենուրեք հանդես եկան «Սոցիալիստական հայրենիքը վտանգի մեջ է» լենինյան կոչի պրոպագանդա-յով և կրքոտ պաշտպանությամբ: Նրանք ռևոլյուցիոն պայքար ծավալեցին մասնավորապես Անդրկովկասի հակասովետական բլոկի, բուրժուակա-ն և բուրժուա-նացիոնալիստական պարտիաների դեմ, որոնք գրկախառնվելով Ռուսաստանի ներքին կոնտրոկուցիոն ուժերի հետ և ձեռք մեկնելով միջազ-գային իմպերիալիզմին՝ ձգտում էին Անդրկովկասը դարձնել պրոլետարիատի դիկտատուրայի դեմ ուղղված ռազմա-քաղաքական պլանցարմ: «Իմպերիալիստ քաջապետների պոչին, — գրում էր «Կարմիր դրոշ»-ը, — քարշ են գալիս ամե-նուրեք բոլոր սոցիալ-դավաճան, սոցիալ-մարդասպան, սոցիալ-հոստիները, հանձինս մենշևիկների, սոցիալ-հեղափոխականների, մուսավաթիստների, դաշնակցականների, հնչակյանների, սոցիալ-դեմոկրատ հայ կազմակերպու-թյան և այլն»²:

Այդ պայքարում բոլշևիկյան հայ պարբերական մամուլի ելակետն էր այն նպատակադրումը, թե Անդրկովկասի, այդ թվում և Հայաստանի «...ժողո-վուրդները թույլ չպիտի տան, որ իմպերիալիզմը թիկունքից հարված հասցնե սոցիալիստական բանակներին...»³:

Բոլշևիկյան հայ պարբերական մամուլում որոշակի տեղ է հատկացված Կարմիր Բանակի ստեղծման, նրա բնույթի պարզաբանման, «տարերկրյա ին-տերվենտների դեմ նրա ձեռք բերած մեծագույն հաղթանակների արժեքավոր-ման ու գնահատման հարցերին: «Խորհուրդների իշխանությունը, — գրում էր «Կարմիր դրոշակ»-ը, — Ռուսաստանում ցրելով ցարական միլիտարիզմը,

¹ «Կոմունիստ», Բաքու, № 71, 1920:

² «Կարմիր դրոշակ», № 5, 1919:

³ «Կարմիր օրգր», № 7, 1918:

ստեղծեց սոցիալիստական զորք՝ Կարմիր Բանակը, որը փայլուն հաղթանակներով տարի ու կես շարունակ մաքառում է հակահեղափոխականների, իմպերիալիստների խոշորագույն ուժերի դեմ և իր անվեհեր կռիվով հիացմունք պատճառում համաշխարհային պրոլետարիատին»¹։

Սովետական Ռուսաստանի «նվաճողական» ձգտումների մասին հերյուրանքները բուրժուական մամուլում ավելի հաճախակի սկսեցին երևալ հատկապես այն ժամանակ, երբ Կարմիր Բանակը, ջախջախելով ինտերվենտներին ու ներքին կոնտրոկոյուցիոն ուժերին՝ մոտեցավ Կովկասի մատույցներին։

Կարմիր Բանակի առաջխաղացումը սպառնում էր անգլո-ամերիկյան, ֆրանսիական և մյուս իմպերիալիստների տիրապետությանը Անդրկովկասում։ Իսկ առանց նրանց օգնության անհնար էր դաշնակցական, մենշևիկյան ու մուսավաթիստական քռնաբլետությունների գոյությունը։ Ահա թե ինչու այդ պարտիաները Սովետական Ռուսաստանի դեմ մղած պայքարն ամեն կերպ կապակցում էին իրենց օտարերկրյա տերերի պաշտպանության հետ՝ ճգնելով «ստացուցել» նրանց տիրապետության պահպանման անհրաժեշտությունն Անդրկովկասում։ Ինտերվենտներն էլ հանձինս Անդրկովկասի «անկախ աեսպուրիկաների», տեսնում էին իրենց հավատարիմ դաշնակիցներին՝ Սովետական իշխանության դեմ մղվող խաշակրաց արշավանքում։

Այս պայմաններում Անդրկովկասի տիրապետող դասակարգերն ու կոնտրոկոյուցիոն պարտիաները պրոպագանդայի կրակն ուղղեցին Կոմունիստական պարտիայի, Սովետական կառավարության ազգային քաղաքականության դեմ՝ Կարմիր Բանակն ու Սովետական Ռուսաստանը պատկերելով որպես Անդրկովկասի նկատմամբ «նվաճողական» ձգտումներ ունեցող, անդրկովկասյան «աեսպուրիկաների» «անկախությանը», նրանց ժողովուրդների «ինքնուրույնությանը» սպառնացող ուժ։ «Վրացական մենշևիկները և հայ դաշնակները, — գրում էր «Կոմունիստը»-ը, — միացյալ խումբ են կազմել և բառառում, բողոքում են, որ իրր թե «Նորհրդային Ռուսաստանը ուզում է կուսությունից զրկել անդրկովկասյան «մաքուր» ղեմակրատիային և մեր ղեղեցիկ երկիրը քաղաքացիական կռիվի վայր դարձնել»²։

Մերկացնելով բուրժուա-նացիոնալիստական մամուլի աղմկարարությունը հյուսիսից, Սովետական Ռուսաստանից սպառնացող վտանգի մասին, բուլշևիկյան թերթերը նշում էին, որ ճիշտ է, կա այդպիսի վտանգ, որը, սակայն, ուղղված է ոչ թե Անդրկովկասի աշխատավորական մասսաների, այլ բուրժուական կառավարությունների ու պարտիաների դեմ³։

Բնորոշ է, որ բուրժուական մամուլը կաշվից գուրս էր գալիս «ասացուցելու» համար, թե մանր ազդությունների ինքնուրույնության պաշտպանությունն ու փրկությունը կարելի է զտնել միմիայն իմպերիալիստական «քաղաքակիրթ» պետությունների խնամակալության մեջ։ «Լոռվա գյուղացիության ձայնը» բուլշևիկյան թերթը բնղղծում էր, որ իսկական անկախության և ինքնորոշման սկզբունքների միակ կրողը Սովետական Ռուսաստանն է, որը ազատություն է քերում ինչպես մյուս բոլոր, այնպես էլ Անդրկովկասի ժողովուրդներին, և աշ-

¹ «Կարմիր դրոշակ», № 5, 1919։

² «Կոմունիստ», Բաքու, № 71, 1920։

³ Տե՛ս «Բանվորի կոիվ», ՌԿ(Բ)Պ Ռուստով-Նախիջևանի կազմակերպության հայկական սեկցիայի օրդան, № 17, 1920։

խառնաձուրդ ու շահագործվող մասսաներին կոչ էր անում եղբայրության, դասակարգային համերաշխության ձեռք մեկնել ռուսական ռեւոլյուցիային՝ թոթափելու համար և՛ իմպերիալիստների «խնամակալության», և՛ «իրենց» ազգային կապիտալիստների ծանր լուծը: «Ազգերի անկախության, ժողովուրդների խնդիրը ողջման դադարարը, — դրում էր թերթը, — Ռուսաստանի մեծ հեղափոխության լողունդն է և կովկասյան տանջված ժողովուրդները կարիք չունեն եվրոպական իմպերիալիստների խնամակալության՝ իրանց ազատագրման պործում»¹:

Կարմիր Բանակի հաղթական առաջխաղացումը և բանվորա-ղյուղացիական մասսաների ռեւոլյուցիոն շարժումների վերելքը կոմունիստական նազմակերպությունների, բոլշևիկյան թերթների առջև խնդիր դրին՝ է՛լ ավելի ուժեղացնել Սովետական կառավարության ազգային քաղաքականության պրոպագանդան, ըստ որում այդ պրոպագանդայի հիմքն էր դարձվում այն ճշմարտության ընդդեմը, թե ստրկացումից ու կործանումից Անդրկովկասի ժողովուրդների միակ միկությունը սոցիալիստական Ռուսաստանի հետ եղբայրական միասնության և ռուսական պրոլետարիատի աջակցությամբ տեղերում Սովետական իշխանության հաստատման մեջ է: «Խորհրդային իշխանությունը, — ընդգծում էր «Պահակ»-ը, — ոչ մի նվաճողական ձգտում չունի դեպի մանր ժողովուրդները: Ընդհակառակը, այդ իշխանությունն է միակը, որ հետևողականորեն և համառ՝ իրականացնում է ազգերի խնդիրը ողջման սկզբունքը իր ընդարձակ տերիտորիայում... Դենիկինյան հակահեղափոխության դիակների վրայով մոտենում է կովկասյան բանվորների ու զյուղացիների հեղափոխության արշալույսը»²:

Նկարագրելով ցարիզմի և բուրժուական ժամանակավոր կառավարության օրոք մոլեգնած ազգային անհավասարությունը, ճնշումն ու հալածանքը Ռուսաստանում և ընդգծելով Սովետական իշխանության վարած լենինյան ազգային քաղաքականության դրական արդյունքներն ու նշանակությունը՝ «Հոկտեմբերյան հեղափոխությունը և ազգային հարցը» վերնագրով անստորագիր հոդվածում «Կարմիր աստղ»-ը դրում էր. «Ռուսաստանում ասլոող յուրաքանչյուր մեկը կարող է ասել, որ այդ ազատությունները թղթի կտորներ չեն, որ այդ քաղաքականությունը կիրառվել է և կիրառվում է իր ամբողջությամբ... Հոկտեմբերյան հեղափոխությունը վճռականապես կարողացավ լուծել ազգային հարցը»³:

Բոլշևիկյան հայ թերթերը աշխատավորական ամենալայն մասսաներին էին հասցնում Կոմունիստական սլարտիայի համագումարների ու կոնֆերանսների կարևորագույն որոշումները ազգային հարցի վերաբերյալ: Նրանք ընդգրծում էին, որ միայն բոլշևիկների սլարտիան է, որ ճշմարիտ, արդարացի կերպով դնում և լուծում է ազգային հարցը: «Դիմանադիտական սլատվիրակություն» վերնագրով հոդվածում «Խոսք»-ը նշում էր, որ «հին տիպի դիսլոմատները երբևէ քավարար կերպով չեն լուծի ազգային հարցերը», որ նրանք ընդունակ են միայն խճճելու այդ հարցերը: Այնուհետև քաղվածքներ բերելով ազգային հարցի մասին ՌՍԴԲՊ(բ) 7-րդ Ասլրիլյան կոնֆերանսի բանաձևից, թեր-

¹ «Լոսլա զյուղացիության ձայնը», Աճ 2, 1920:

² «Պահակ», ԽՖՍՀ, Աճ 1, 1920:

³ «Կարմիր աստղ», ՌԿ(բ)Պ Կուբանո-Չերնոմորյան սեկրետարիատին կից Արևելյան ազգությունների բամսի օրգան, Կրասնոդար, Աճ 128, 1921:

թշ պաշտպանում և պրոպագանդում էր բոլշևիկյան պարտիայի ազգային քաղաքականության հիմնական սկզբունքները¹:

Կոմունիստական պարտիայի հռչակած ազգային քաղաքականության սկզբունքները և ղրանց կիրառումը ինչպես երկրի ներսում, այնպես էլ Սովետական Կառավարության արտաքին հարաբերությունների բնագավառում, ունենին միջազգային-պատմական նշանակություն: Ի հակադրություն 2-րդ ինտերնացիոնալի օպորտունիստական պարտիաների, մարքս-լենինյան, ռևոլյուցիոն տեսակետով դնելով ու լուծելով ազգային և ազգային-զաղութային հարցը, բոլշևիկյան պարտիան, Սովետական Կառավարությունը իրենց ազգային քաղաքականությամբ հուժկու թափ հաղորդեցին ազգային-ազատագրական շարժումներին: Հոկտեմբերյան ռևոլյուցիայի համադարձերից արթնացած գաղութային և կախյալ երկրների ժողովուրդները իմպերիալիզմի ռեզերվից դարձան պրոլետարական ռևոլյուցիայի ռեզերվը: Իմպերիալիզմի հիմքերը խորապես խարխուլվեցին ոչ միայն «մայր» երկրում, այլև ամենահեռավոր գաղութներում: Համաշխարհային կապիտալիզմն ապրում էր ընդհանուր ճգնաժամ: «Երիցս անգամ ճիշտ է, — գրում էր «Բանվորի կոիվ»-ը, — որ Խորհրդային Ռուսաստանը ազգերի ինքնորոշման լուղունգով ջարդեց Արևելքի ժողովուրդներին կաշկանդող իմպերիալիստական գերության շղթաները, դրավեց կեղծվուղների համակրանքը և ստեղծեց Արևելքում մի ընդհանուր հակաիմպերիալիստական ֆրոնտ՝ ի սարսափ Սիտիի ցիլինդրավոր ավազակների և խաբեբա «իմաստուն Սողոմոնների»... Ազգային ինքնորոշման իրավունքով մենք փոթորկում ենք քնած Արևելքը, կյանքի ենք կանչում միլիոնավոր մասսաների»²:

Ազգերի ինքնորոշման լուղունգը սոցիալիստական ռևոլյուցիայի հլոր ազդակ հանդիսացավ նախ և առաջ Ռուսաստանի ծայրամասերում ապրող ժողովուրդների համար, որոնք դեռևս հեծում էին «հայրենի» և օտարերկրյա կապիտալիստների գերիշխանության տակ: Նշելով, որ «մինչև այժմ գոյություն ունեցող բոլոր պետություններից միայն Ռուսաստանի Խորհրդային Հանրապետությունն է, որ իր նախկին սահմաններում եղած բոլոր ճնշված մանր ազգություններին... ազատություն է տվել», «Կարմիր աստղ»-ը գրում էր. «Խորհրդային Կառավարությունը ցանկանում է, որ այդ մանր ազգերի բանվորները և շրավոր դյուղացիները, Կոմունիստական կուսակցության ղեկավարությամբ, իշխանությունը վերցնեն իրենց ձեռքը»³:

Պայքարի այդպիսի ուղի էին բռնել նաև Անդրկովկասի պրոլետարիատն ու աշխատավոր գյուղացիությունը: Բոլշևիկյան պարտիայի ղեկավարությամբ նրանց մղած ռևոլյուցիոն պայքարը նոր թափ ստացավ հատկապես այն շրանից հետո, երբ Կարմիր Բանակը հաղթարշավ մոտենում էր Կովկասի սահմաններին: Այս հանդամանքը գնահատելով որպես Անդրկովկասի բանվորների ու աշխատավոր գյուղացիների դասակարգային պայքարի հաղթանակին նպաստող կարևոր ֆակտորներից մեկը, բոլշևիկյան հայ պարբերական մամուլն ամբողջ ուժով ընդդժում էր այն միտքը, թե Սովետական Ռուսաստանը, հերոսական Կարմիր Բանակը Անդրկովկասի աշխատավորների միակ, ամենահու-

¹ Տե՛ս «Խոսք», Երևան, № 7, 1918:

² «Բանվորի կոիվ», ՌԿ(Բ)Պ Ռուստով-Նախիջևանի կաղամակերսության հայկական սեկցիայի օրդան, Ռուստով-Նախիջևան, № 25, 1920:

³ «Կարմիր աստղ», հունվարի 22, № 45, 1921:

սալի բարեկամն ու զինակիցն են, թե Անդրկովկասում Սովետական իշխանություն հաստատելով միայն կարելի է ապահովել ժողովուրդների իրական ազատությունն ու անկախությունը: «Խորհուրդների իշխանությունն ու Անդրկովկասը» վերնագրով առաջնորդող հոդվածում «Պահակ»-ը գրում էր. «Ռուսական կաթմիր պրոլետարիատը հերոսական կռիվ մղելով դենիկինյան հակահեղափոխության և եվրոպական իմպերիալիստների դեմ՝ ոչ միայն պաշտպանում է իր հեղափոխական խորհուրդների գոյության իրավունքը, այլ նաև թափում է իր թանկագին արյունը յուրոր ճնշված ու հալածական ժողովուրդների ազատագրության համար»¹:

Սոցիալիստական Ռուսաստանի եղբայրական օգնության շնորհիվ Անդրկովկասի պրոլետարիատի ու աշխատավոր գյուղացիության ունեցուցիոն պայքարը, բոլշևիկյան պարտիայի ղեկավարությամբ, շուտով պսակվեց հաղթությամբ: Ադրբեջանը, Հայաստանն ու Վրաստանը դարձան սովետական: Կենսապորժվեցին Մեծ Հոկտեմբերի ազատաբեր պատգամները. Հոկտեմբերյան ունեցուցիան ազատություն և անկախություն բերեց նաև Անդրկովկասի ժողովուրդներին:

¹ «Պահակ», № 7, 1920: